

本
草
彙
言

本草彙言卷之十八

錢塘

倪朱謨純字甫選集

男洙龍沖之氏藏稿

張世臣相如甫校正

禽部

水禽類

鴨血味鹹氣寒無毒。

陳氏曰、野鴨爲鳬、家鴨爲鶩。不能飛翔。如庶人守耕稼而已。文侯周禮庶人執鰲。因其性質木而無他心。故庶人以爲贊。其鳴呷呷。以名自呼。又按格物論云。雄鴨綠頭。或鵠鵠鴨頭黃斑色。其身毛又有純白純黑者。

○鴨血解諸毒之藥也。趙天民曰。鴨血寒凝而復能行散。故李時珍方取血乘熱飲。善解一切金銀丹石砒霜諸毒。及一切毒蟲毒草。如野葛。射工。百蟲惡毒。垂死者灌入喉。卽能生活。

○鴨肉味甘氣寒無毒可入藥補虛羸勞熱骨蒸之藥也。金山臺曰。以五味調和作羹食更佳。以白羽者絕妙。如病痢疾人食之病轉劇。切戒。

鴉膽昧苦氣寒無毒

李氏曰鴉膽以南多畜之有蒼白二色綠黑黃白紅等
夜鳴應更性能啖蛇及蚓能刺射工養之能辟一切毒
蟲毒虺性喜食米虧。裝菜諸物因禁勿
置諸器物中其身能吓諸器方創長短

○鴉膽解熱毒消痔瘡之藥也江魯陶曰按李時珍方治
痔瘡有核以鴉膽汁一個入冰片五釐研勻磁器密封
臨用以指蘸搽立効

○掌上黃皮解濕毒爛瘡之藥也。王大生曰。按譚埜翁方。
治腳指縫濕爛。以鴛掌黃皮燒研成細灰。臨用濕者乾
糲足指縫中。并治凍瘡。

諸雞

李氏曰。雞類甚多。五方所產。大小形色。往往亦異。其在
卦屬巽。在星應昴。無外腎而缺小腸。其鳴也。知時刻。其
棲也。知陰晴。曉齊人畜雞無雌。以雞卵告齋。而伏出之。太
清外術言。著蠱之家。雞鵝飛去。萬畢術言。其羽燄之。可
以致風。古人言。雞能辟邪鬼。則
雞亦靈禽也。不獨充庖厨而已。

○雞冠血

味鹹氣平無毒

發痘點解百蟲定驚癇客忤之藥也。

李氏

多士曰。按李氏方云。雞爲陽禽。冠爲陽分。冠血乃諸陽
所聚。大能祛風活血。使陽氣充溢。反陰爲陽。從裏出表。
凡風中血脉。而口角偏喘。或中惡卒死。而驚癇客忤。或
痘瘡初發。而閉逆不出。或毒蟲咬傷。而疼痛不止。此乃
鹹能走血。以血治血。如風邪火邪。驚氣毒氣壅遏營道。

而不清者。冠頂之血至清至高。使風可散。痘可拔。中惡驚忤可回。毒蟲傷癟可定。或取之敷塗。或和之酒飲。奏効頗奇捷也。如天行痘子。虛寒者用此可資起發。倘因血熱而乾枯焦黑者。用之亦無驗也。

○雞肝

朱甘微苦氣溫無毒

補腎安胎消疳

明目珠

王嘉生曰。

目乃肝竅。疳本肝疾。小兒肝熱致虛。故成疳疾。目暗者。以雞肝和藥服。取其導引入肝氣類相感之用也。婦人胎妊雖繫胞中。而實厥陰肝藏主之。今胎妊有不安而欲墮者。以雞肝入養榮諸丸。取其保固胞蒂。養肝以安藏血之藏也。

○集方治小兒一切疳疾。以致目生障翳者。用雞肝二十

個生搗爛成膏。蕪荑草果仁、山楂肉使君子肉、穀精草
枳實、白朮各四錢。白丑三錢共微炒研爲細末。以雞肝
爲丸如彈子大。每早晚各服一丸米湯化下。○治妊娠婦
胎氣不安。欲小產者用雞肝四十個煮熟搗爛成膏。川
芎一兩當歸白芍藥生地黃杜仲白朮各二兩俱酒拌
炒研爲末。雞肝爲丸梧子大。每早晚各服五錢白湯下。
○雞屎白味苦氣寒無毒屬月皮之白雞烏骨者更佳消臌脹殊無殊證通石淋散風痺
之藥也。周志舍曰。雞屬風木陽禽也。屎出爲白又得陰
金之化耳。故素問方主腹脹旦食不能暮食別錄方治
石淋閉塞澁痛溲道欲通不通藏器方治賊風偏痺如
咬如鑽如刺如裂疼痛不已俱用雞屎白治之此三證

皆風木內甚。水穀不運。氣不宣流。故令中滿如臌。或漫道淋塞。閉竇。或肢體偏竇不仁。等證。蓋此藥能下氣消積。通利膀胱。驅風活血也。故前人治此三證。且大有殊功。

○集方治臌脹醫學正傳取臘月雞屎白半觔炒焦浸酒一日。每日

取木香、檳榔各一錢爲末。以酒調服。○治石淋古今錄瀦痛難

忍用雞屎白一兩炒焦爲末。每用一錢。以白蘿蔔搗汁。

一碗調服。○治四肢偏竇。風疾疼痛。不能舉動。并治白

虎歷節風痛。用雞屎白一兩。浸好酒一壺。煮熱。每日熏先痛處。

○雞卵味甘氣平無毒益氣養血。清火解熱。毒之藥也。邢元璧曰、

按李氏發明云。雞子稟生化最初之氣。如混沌未分之形。白象天。其氣清。其性寒。黃象地。其氣渾。其性溫。白能清氣。故大氏方治咽痛欬逆。瘡腫盜汗。諸疾。黃能補血。故陳氏方治產後諸虛。力衰眩暈。久痢腸脫。疳積。瘰癧。諸疾。兼黃白並用之。則調氣生血而與阿膠同功也。但

性質凝滯。雖稱補養之物。如胃中有冷痰積飲者。脾藏冷滑。常泄瀉者。未計胸中有宿食。積滯未清者。俱勿宜用。

○集方治傷寒少陰病。咽中生瘡。痛不能語言。聲不出者。

用生半夏十枚。雞子一個。去黃。內入半夏、苦酒。令滿。置刀環中。安火上。令三沸。去半夏。少少含嚥之。三作卽効。

○治氣虛欬逆。用雞子三個。去黃。取白。以酒微煮。溫和

食之。○治癰疽發背。一切腫毒初作。或經十日以上。腫赤焮熱。日夜疼痛。百藥不効者。用雞子五枚。傾出黃白在砂鍋內。以箸打勻。取新狗屎四兩。入雞子黃白內攪勻。微火熬。以雞子熟爲度。待溫和。取敷腫頭上。以帛包扎。時時看視。熱卽易。經一宿後。如日多者。一日一易。至瘥乃止。此方穢惡。不可施之貴人。一切諸方皆不能及。但宜備擇而已。

○治陰虛盜汗。夜熱者。用雞子五枚。微擊碎。入童便內浸一日。煮食。○治產後諸虛。用雞子三個。白酒內浸一日。隨用酒煮食。○治久痢。腸脫不止。用

雞子十個去黃。取清。和薑汁。醬油。各二茶匙。攪勻。蒸熟食之。○治療癰延。生消長不已。用雞子一個。用著頭將

黃白攪勻。取斑貓二箇去翅裝入雞子內，餌鉗蒸熟去斑貓，取雞子食，間日食一箇，食三十箇全愈。○治疳積。

用雞子一箇，用藥製法見木鱉子集方中。○治少陰病，得之二三日以上，心中煩，不得臥者，用黃連、黃芩、白芍。

藥各二錢，煎汁一碗去渣，入阿膠一錢五分，洋參再加雞子清黃一箇，攪勻服。○治產後血暈，發症身強直目向上，四肢牽急，不知人。用雞子清五箇，取荆芥焙研細末，二錢取雞子清調服即安。

○脆脰裏黃皮味甘氣溫無毒治小兒諸瘡，又止久痢之藥也。葉振華曰：雞脆脰，雞之脾也。乃消化穀食之所，雞所食諸蟲百物，及砂石土屑入此無不消化。其色黃，其質燥，其

體堅而厚。如錢氏小兒方中用此爲消食積化疳結也。
如竇氏外科方中用此作繖藥。入癰疽瘡口內去膿長
肌肉也。又安氏方治走馬牙疳方中用此止臭爛頗捷
也。此三病蓋取其堅而能消。溫而能長之義。

○集方治小兒

仲尼方

治走馬

牙疳

方

治走馬

牙疳

方

治走馬

牙疳

方

筒水洗淨晒乾。於白朮二兩枳實一兩砂仁一兩俱炒
燥研爲末。每服一錢米湯調服。○治一切癰疽潰爛久
不收口。用雞脆脰黃皮三箇水洗淨晒乾。蘆甘石五錢
真鉛粉三錢共研極細。加冰片二分。再研勻入磁罐收
貯密封。每早晚用溫湯洗患處。用少許摻之。○治走馬
牙疳

雞脆脰黃皮二個水洗淨

乾研細未

銅青二錢鉛粉

研極細入磁罐收貯密封

每遇是症先用吳茱萸鹽

洗淨牙根用小匙抹藥摻

鵠肉味甘鹹氣平無毒。

李氏曰。鵠處處人家畜之。有家鵠亦有野鵠。名品雖多。其毛羽不過青白皂綠紫花與數色。其眼目亦有大小黃赤綠花斑等色。凡諸禽皆雄乘雌此獨雌乘雄。又與鳩爲匹偶。其性淫而易合。故名其飛翔可遠數十里。能呼引他處。

來集者。

孟懿

移氏方

○鵠肉補虛羸益精氣解諸藥毒之藥也。陳月坡曰。諸禽

鳥屬火者多。此獨稟金水之氣。其肉柔嫩鮮甘。其味美

於諸禽之肉。故賈似道取充庖用以食美女。使之悅顏

色調血氣也。又嘉祐本草療久患疥癬。日取一隻調五

味食之。半月立愈。又瀘江方預辟痘毒。用白鵠卵一對。入竹筒封置廁中。半月取出。以辰砂三錢研細和卵白。丸菉豆大。每服三十丸。黑豆湯送下。毒從大小便出也。

又嘉祐方治人馬瘈癬及小兒頭瘡用鴿糞炒研醋調敷之。又劉氏方治心氣痛用鴿糞三錢炒焦研末。白湯調服立止。又張子和方治項上瘰癧用鴿糞二兩炒焦研末。飯丸梧桐子大每服百丸米飲下。二月全消。

夜明砂

歸屎

味辛氣寒無毒沉也降也入足厥陰經

李氏曰

蝙蝠形似鼠灰黑色有薄肉翅連合四足及尾

夏出冬藏晝伏夜飛食蚊蚋自能生育生石火者甚大一枝息古廟高屋梁間常自倒懸此物善伏氣故能壽其果名夜明砂。陶氏曰方家不用者世俗不識也。修治几采取以水淘去灰土惡氣取細砂晒乾焙用其砂乃蚊蚋眼也。

○夜明砂消疳明目之藥也。方吉人曰蝙蝠晝伏夜出喜

食蚊蚋屎中淘出細砂乃未化蚊蚋眼也專入肝經血分故前古主破積聚除寒熱消瘰癧又唐氏方治小兒無辜疳疾及大人血瘀氣滯肝逆而成翳障目盲之證。此物堅寒明肅能活瘀消積故所治積聚瘰癧驚疳障等疾皆足厥陰血分病也。今方用甚鮮因淘取不得也。

○集方治腹中諸積聚寒熱用夜明砂三錢阿魏四錢花

椒五錢紅麴六錢俱研細末每服二錢清晨白湯調下

○治療癰延繩用夜明砂三錢白蛤殼五錢火燄共研

細末米飯爲丸如菉豆大每晚服二錢白湯下○治一

切瘡疾用夜明砂五錢入砂罐內以精猪肉三兩切片

入罐內水煮熟取肉與兒食飲其汁取下腹中胎毒即

効○治大人小兒内外翳障及青盲雀目用夜明砂二

錢研化同猪肝煮熟食肝并飲汁盡三次全効○治五

瘡不止用夜明砂一錢生薑三片細茶一撮煎湯調服

即効

五靈脂味甘酸氣平無毒氣味俱厚陰中之陰降也入足厥陰手少陰經

蘇氏曰五靈脂乃寒號蟲之糞也出北地極寒處今河東州郡皆有之說文云有足之謂蟲鱗介之總稱故曰五靈脂則以形似也又名鴟曰五臺山最多狀似小雞肉四足夏月毛羽五采自鳴日鳳凰不如我初冬毛羽脫落裸形如雞恐冬而號夜鳴曰來朝造個巢旦鳴日得過月遇日出暖和故月令之仲冬鴟鳴不鳴冬至陽生漸暖故也餐以柏實先冬噙集穴居南向食已而遺遺已而食遺尿色黑如鐵形凝如脂氣甚腥惡瘻治用水利然去砂石再用酒浸飛去砂土晒乾收用

○五靈脂散血行瘀止痛化積爲婦科產後百證之要藥也沈孔庭曰此蟲畏寒喜暖性專散血行瘀故開寶方治婦人血閉脹悶血瘀脹痛血逆作嘔血癥成勞或血滯作寒熱等證繆氏言此藥其功長於破血行瘀如果

屬產後瘀血停滯作痛。產後少腹見枕作痛。產後惡血攻心。血暈作痛。婦人經閉結滯心胃腹間作痛。氣鬱脉滯。經血不行。攻刺作痛。瘀血挾痰。結成窠囊。瞳子不明。或瘀血凝結牙齦之間。而成齒痛等證。在所必需用也。倘有血衰經閉。血虛腹痛。產後去血過多。心虛發暈而痛。病屬血虛無瘀滯者。皆所當忌用也。又接前賢寇氏曰。蓋諸痛皆屬於肝。諸蟲皆生於風。此藥散血行血。和血止血。而定諸痛。所主諸證。皆肝經血分之病也。凡男婦老幼。一切心腹脇肋少腹痛。疝瘕痛。并胎前產後血氣攻痛。俱能奏功。又古方謂五靈脂治崩中。實非止血之藥。乃去風之劑。風動物也。衝任經虛。被風傷襲營血。

以致崩中暴下與荆芥防風治崩襲同此說是矣而猶未盡也。又肝血虛滯亦自生風能使血動而崩又不待外風傷襲也。如陳士良方用參耆熟地炮薑少和五靈脂而治血崩蓋謂肝虛生風而血脫也。善斯業者當悟古人識見如此不可執一論也。

○集方治產後方脉正一切瘀血爲患爲脹爲痛爲脛爲寒熱或兒枕痛或血暈痛或卒暴心胃作痛或男婦癥瘕酒積作痛或小兒疳積蟲痛俱能治之。用五靈脂一觔水浸淘去砂石再用酒飛晒乾取六兩澤蘭葉益母葉牡丹皮當歸梢延胡索白芍藥白朮川芎俱酒洗炒木香肉桂焙各二兩共研爲細末配五靈脂末以米醋打紅麯

末作糊丸。菉豆大。每服三錢。婦人產後諸疾酒下。疝氣
瘕氣痛。茴香湯下。酒積痛。陳皮湯下。卒暴心胃痛。淡鹽
湯下。小兒疳積蟲癰花椒白明礬湯下。○治胎衣不下。
并惡血冲心。用五靈脂水飛過。四錢溫酒下。○治經血
不止。用五靈脂去砂土炒燒盡。二錢當歸身一錢水煎
服。○治傷食成疳。用五靈脂水飛過。一兩木香五錢巴
豆肉四顆。去殼煨熟去油。共爲末。米糊丸。菉豆大。每服
五丸。白湯下。○治小兒五疳潮熱。用五靈脂水飛過。一
兩胡黃連五錢。於白朮八錢俱炒燥爲末。飴糖爲丸。彈
子大每服一丸。米湯化下。○治酒積黃腫。用五靈脂水
飛過。一兩入麝香二分稀糊丸。小豆大。每服十九。米湯

下。○治瘻血目翳。正卷。用五靈脂水飛過一兩桃仁去皮一兩五錢共研勻。飯搗爲丸梧子大每食後服五十丸一月全愈。○治瘻血齒痛。此方用五靈脂水飛過三錢米醋一
碗煎滾候溫和含汨。

治小兒蟲咬心痛欲絕用五靈脂末二錢枯芩五分共爲細末每服二錢白湯調不拘時服當吐出蟲即愈。

獸部 茄類

豬膽汁味苦氣寒無毒沉也降也入手足陽明經。

李氏曰。猪水畜也。土地生產各有不同。生青兗徐淮者耳大。生江南者耳小。生燕冀者皮厚。生梁雍者足短。生遼東者頭白。生豫州者耳短。生嶺南者白而極肥。孕四月而生。在畜屬亥。在卦屬坎。在畜應室星。其體骨量而少筋。性趨下。俯首喜卑。據天將雨則進涉水中。牝曰彘。壯曰彘。壯日彘曰彘。皮膚血肉筋骨髓臟腑膜頭膚。肝卵慾踏。耳垢。燭湯毛膚。咸葦藥川。如豕猪。其力轉勝。故壯豬之膽并蹄皆倍大於牝者。

○豬膽汁主傷寒裏熱燥渴潤大便火結之藥也。白尙之曰。按經曰。熱淫於內寒以勝之。苦以泄之。故仲景方以葦筒納穀道二寸。以豬膽汁和醋少許灌之。治傷寒裏熱枯燥。大便不通。蓋取苦酸寒滑而潤燥通結也。又治少陰下利不止。厥逆無脉。乾嘔煩者。以白通湯加豬膽

汗以調寒熱之逆者也。取人尿、豬膽、鹹苦之物於熱劑之中，使其氣相從而無拒格之患矣。又治霍亂病。吐下已斷，汗出而厥脈微，欲絕者。以通脈四逆湯加豬膽汁數匙主之者。蓋陽氣大虛，陰氣獨勝，純與陽藥，恐陰氣拒格不得入。故加豬膽汁之苦寒，入心以通脈和肝。亦使其氣相從，不致拒格也。此寒因熱用，熱因寒用之義耳。

○集方、仲景治少陰下利不止，厥逆無脉，乾嘔煩者，以白通湯。用葱白四莖，乾薑一兩，生附子一枚，水三升，煮一升，入童尿二合，猴豬膽汁半合，調服。○仲景治少陰病下利清穀，裏寒外熱，手足厥逆，脈微欲絕，身反不惡寒。

其人面色赤或腹痛或乾嘔或咽痛或利止豚不出者

以通豚四逆湯主之用甘草一兩生附子一枚葱白七

莖乾薑二兩以水三升煮取一升去渣加獵豬膽汁五

匙調服如腹中痛甚者加酒炒白芍藥二兩嘔者加生

薑二兩咽痛加桔梗一兩利止豚不出者加人參二兩

○治喉風閉塞冬至日取獵豬膽五六枚用川黃連薄

荷殼蠶白芩水朴硝各五錢研極細末拌勻分裝膽內

將地掘深一尺以竹幹橫懸此膽以無隙釘蓋定至立

春日取出待風吹乾密收每取少許吹入喉間立効○

治熱病瘡蝕上下用獵豬膽汁一枚醋一合頓溫服蟲

立死

○豬膚味甘氣平無毒。

吳氏曰。猪膚係脾。猪時。

利下毛裏白膚是也。

○豬膚仲景治足少陰下利咽痛胸滿心煩者有豬膚湯。
用豬膚八兩水五升煮二升取汁入白蜜五合粳米粉
三合總熬令香分作三服盧氏曰膚華外薄皮也又曰
膚淺也足少陰下利猶釜底抽薪而烹飪廢致水穀失
濟失泌之所致也蓋少陰腎主水已屬從流而下矣復
心煩胸滿咽痛者轉類奔豚之爲疾氣從少腹上衝心
令人若死狀者腎屬水藏豬屬水畜爲能充其類焉取
其淪膚殆盡而氣微衰迺得自外而內以從上而下也
則下利止而咽痛胸滿心煩自愈矣又成氏言加白蜜
以潤燥潤燥則煩除加粳粉以益氣益氣則利止於義

亦通。

豬心血

味甘氣平無毒

治驚癇癲疾及中惡卒死之藥也。翟秉

元曰

驚癇癲疾心氣閉而有痰也。中惡卒死心氣閉而

有邪也。四證均屬心君失令血不歸元而然用此藥以

心歸心以血導血也。如沈存中用豬尾血以治痘瘡黑

陷取半盞和好酒調服須臾紅活亦取生血回元之義。

豬大腸

味甘氣寒有微毒

潤腸治燥止血痢藏毒之藥也。

○集方治腸風藏

毒因熱者

用豬大腸一條去油垢淨酒

煮極爛搗膏

以白芍藥四兩川黃連五錢俱炒研末

和爲丸梧子大每服二錢白湯下。○治藏寒泄瀉體倦食

減用豬大腸

如前法製以於白朮四兩吳茱萸一兩俱

炒研末和爲丸梧子大每服三錢白湯下。

豬脰

味甘氣平性寒

性寒

性寒

性寒

性寒

性寒

性寒

性寒

性寒

玉莖

呼與性寒

性寒

性寒

性寒

性寒

性寒

性寒

性寒

治老幼男婦夢中遺溺不愈并療陰囊濕癰
諸病之藥也以五味調作羹食之陸平林曰
豬脰卽尿胞也吳人俗呼小肚所治皆下焦病亦以類
從爾按羅氏衛生方治蘄州一婦人病轉脬小便不通
腹脹如鼓二旬垂死一醫用豬脰吹脹以翎管安上挿
入其孔捻脬氣卽吹入卽大尿而愈此法知者頗少亦
機巧妙術也

按邵真人延壽箋曰豬爲食味中嘗用之物藏府腸胃
咸無棄焉然其一身除肝膏外餘皆有病發病人習之
而不察也壯實者或暫食無害有疾者不可不知其忌

特別其害于後。○肉多食令人虛肥生痰。大病後食之復發。與薑同食。卽發大風病。○頭肉有病者食之。生風發疾。○腦食之損男子陽道。絕生育。酒後尤不可食。○血能敗血。而耗心氣。○肝食之必傷人。猪臨宰驚氣入心。絕氣歸肝故也。令諸魚食。生癰疽。○脾一生莫食之。○肺不可與白花菜合食。令人氣滯發霍亂。○腎食之傷腎少子。冬月尤不可食。損人真氣。○脣男子食之。損陽。○腸食之動冷氣。發宿疾。○鼻唇食之動風。○舌食之損心氣。

羊肉味甘氣熱有毒。入手足陽明經。

自死者有大毒矣

食發惡疾立死。

蘇氏曰。羊四兮皆有種類極多。其色有黑白斑不同。其毛有長短剛柔之別。李氏曰。生江南者爲吳羊。頭身相

等而毛短。生秦晉者爲夏羊。頭小身大而毛長。土人二歲而剪其毛。以爲禮物。謂之綿羊。廣南英州一種乳羊。

食仙茅極肥。食之甚補人。諸羊皆孕四月而生。其目無神。其腸薄而緊曲。在畜屬火。故性熱而易繁也。正卦屬兌。故外柔而內剛也。其性惡渴喜燥。食鈎湯而肥。食仙茅而肪。食仙露而淫。食躑躅而死。物理之宜忌。不可洞也。胡人以骨占灼。謂之羊卜。亦有一蟲耶。其皮極薄。南番以代紙書字。吳人以代紙畫彩爲燈。甚鮮明。

○羊肉補中益氣療中風虛汗治產後陰陽兩虧之藥也。

魏景山曰。按東垣云。補可去弱。人參羊肉之屬是也。凡

一切諸病形氣痿弱。脾胃虛羸不足者。宜之。古方入補

湯劑。有大羊肉湯。金匱方治寒勞虛羸及產後心腹疝痛。四肢厥逆。用肥羊肉一觔。水一斗。煮汁七升。入當歸

生薑各三兩。黃耆五兩。煮取二升。分四服。然味甘性熱。如天行熱病後。溫瘧積痢後。食之必致發熱難療。又癰腫瘡瘍。消渴吐血。厥脹腫滿。脚氣黃疸等疾。咸不宜服。

○羊肝味苦微甘氣寒無毒補肝明目。治風淫目暗之藥也。計日聞

曰。羊肝補肝。以類相從也。肝開竅于目。肝熱則目赤。肝

虛則目昏。或生翳障。羊肝苦寒甘補。肝病目病藥中。搗

和爲丸服。明目諸方無出於此。

羊膽點目疾見蟲部
牛肝生類蜂密集方下

○羊腎味甘氣溫無毒益精髓。補腎氣。却虛勞之藥也。陳象先曰。

按千金外臺深師諸方。治腎虛勞損。消渴脚氣等疾。有

腎瀝湯方。有羊腎煮湯煎藥。蓋用爲引嚮。各從其類也。

腎瀝湯方見

部

黃牛肉，味甘氣溫，無毒，入手足陽明經。

自死者有大毒，食發疔毒惡疾。

蘇氏曰：牛之壯者曰牯，曰牿，曰牿，曰櫛，曰摘。牝者曰牽，曰犧，赤色曰犧，駿色曰犁，去勢曰犍。牛子一歲曰犢，李氏曰：牛有犢牛水牛二種。犢牛小而水牛大。犢牛有黃、黑、赤、白、駁、雜數色。水牛有青、蒼、灰、黃、純白、數色。大腹銳頭，其狀類豬角，若擔弓能與虎鬥。又廣南有犧牛形最卑小。爾雅謂之犧牛。牛齒有下無上，祭其齒而知其年。三歲二齒，四歲四齒，五歲六齒，六歲以後，每年接脊骨一節也。牛耳聾，其聽以鼻。牛確豎而不橫，其聲曰牛，在畜屬土，在卦屬坤。土緩而和，其性順也。造化權輿曰：乾陽爲馬，坤陰爲牛，故馬蹄圓，牛蹄折。馬病則臥，食勝也。牛病則立，陽勝也。馬起前足先，臥則後足先，從陽也。牛起後足先，從陰也。

○牛肉，養脾胃，益中氣，健筋骨之藥也。王少宇曰：牛，土畜也。黃土色，經曰：中央黃色，入通于脾。故別錄稱爲養脾胃。益中氣之要藥。於老人小子，脾胃薄弱者，調五味，作

羹食甚美。昔丹溪翁有倒倉法。王綸言。牛肉本補脾胃之物。非吐下藥也。特飲之既滿。或上湧下泄爾。此蓋借其補以爲瀉。故積聚去而腸胃得所養。亦神法也。如病非關腸胃有積滯者。似難施之耳。

按倒倉論曰。腸胃爲積穀之室。倒者。推陳以致新也。胃屬土。受物而不能自運。七情五味。有傷中宮。停痰積血。互相糾纏。發爲癰瘍。爲勞瘵。爲臌脹。成形成質。爲窠爲臼。以生百病。而中宮愆和。非九藥所能去也。此方出自西域異人。其法用黃牯牛肉二十觔。長流水煮成糜。去渣。濾出稠液。再熬至琥珀色收之。連飲至數十鍤。寒月溫飲。病在上。則急飲令吐。病在下。則緩飲令利。在中。則

令吐而利。吐利後口渴者，卽飲白鮮小便一二碗湯滌餘垢，睡二日乃食稀粥，養半月精神強健，沉疴悉去也。須忌牛肉五年，蓋牛坤土也，黃土色也，然而爲液成無形之物也，故能由腸胃而透肌膚毛竅爪甲無所不到，在表者因吐而得汗，在清道者自吐而去，在濁道者自利而除，有如洪水泛漲，陳莝順流而去，蓋然渙然潤澤枯槁而有精爽之樂也。

韓飛霞曰：治一切諸虛病，用小牛犢兒未交感者一隻，臘月殺之，去血燭毛，洗淨，幷藏府不遺分寸。大鐵鍋煮之，用黃耆一觔，人參八兩，茯苓、陳皮、甘草、蜀椒、食鹽各三兩，官桂、良薑各二兩，麝好酒二斗，同煮水以八分爲

率文火煮爛。取出骨。搗碎。同煮至爛如泥。瀘取稠汁。再用絹再瀘清汁。待冷。以淨磁甕盛之。埋土內。七日。每用酒調。早晚任意食之。或用白湯調服亦可。如用肥黃犬及鹿。皆可依此法作之。

○牛乳味甘氣寒無毒補虛羸養心肺潤燥結解熱毒之藥也。顧汝琳曰。牛力強氣健。乳亦稟氣血之精陰。人食之潤枯燥。養血氣。降虛火。較之人乳更妙。非若人乳有飲食之毒。七情之火也。如脾胃虛冷作泄。并膈中有冷痰積飲者。忌之。

○集方治痢李齊珍不効用牛乳八兩。草荳三錢同煎減半。空腹頓服。

牛血

味鹹氣平無毒。

解毒利腸治金瘡下水蛭并治血痢便血

之藥也。李東壁曰。元史布智兒從太祖征回回。身中數

矢。血流滿體。悶仆幾絕。太祖命取一牛。剖其腹。納之牛

腹中。浸熟血中。移時遂甦。又李庭從伯顏攻郢州。砲傷

左脇。矢貫於胸。幾絕。伯顏命剖水牛腹。納其中。良久而

甦。何孟春在職方。問各邊將。無知此術者。非讀元史弗

知也。

附後方

○集方治誤吞水蛭腹痛用黃瘦牛血。熱飲二三升。次早化猪脂一升飲之。卽下出也。○治血痢便血。煮牛血拌醋食之。

牛膽

味苦氣大寒無毒。

除心腹熱。益目精之藥也。用臘月黃牛

宰殺無毒。

或青牛者。釀南星末。治驚風。有奇功。釀槐子服。明目治
疳濕。

○集方治穀疸。千金方食黃。用牛膽汁一枚。苦參三兩。龍胆草一

兩。爲末。和少蜜丸。梧子大。每薑湯下五十九。

經驗治痔瘻

出水。方用牛胆。蠅胆各一枚。膩粉五十文。麝香二十文。以

三味和勻。入牛膽中。懸四十九日。取出爲丸。大麥大。以

紙撫送入瘡內。有惡物流出爲驗也。

○牛角腮。味苦。氣溫。無毒。入少陰血分。

卽角尖中堅骨也。水牛黃。犛牛者可用。餘皆不及。久在瘡土中。觸白者亦佳。燒灰用。

○牛角腮。燒之則性澁。故止血痢。及婦人帶下。血崩諸病。

○集方治大腸冷痢。牽牛角腮燒灰。飲服二錢。日二次。

千金方

近編

治小兒滯下。牽牛角鰓燒灰水服方寸匕。○治大便下血。黃牛角鰓一具。煅末。煮豉汁服二錢。日三神效。○治赤白帶下。牛角鰓燒令烟斷。附子以鹽水浸七次去皮等分爲末。每空心酒服二錢七。

牛黃味苦氣涼。有小毒。入手少陰足厥陰二經。

陶隱君曰。生隴西及晉地特牛腎中得之。卽陰乾百印使燥無令見日月光。○蘇頌曰。今出登萊州。凡牛有黃者。身上夜有光。眼如血色。時復鳴吼。恐懼人。又好照水。人以盆水承之。其吐出乃鳴。卽墮下水中。取得如雞子黃大重疊可揭拆。輕虛而氣香者佳。試法。但揩摩手甲上。透甲黃者爲真。○雷斅曰。牛黃有四種。喝延而

得者名生黃。殺死在角中得者名角黃。牛病死後心中得者名心黃。初在心中如黃漿汁。取得便投水中小勝。○急宗真曰。西戎有降牛黃。堅而不香。又駢駢黃。穩定以黃蠍牛皮裹懸井中。一宿去水三四尺。明日取之。

牛黃驅風化痰清熱解毒之藥也。主神志不守。顛狂妄動。或驚癲搐搦。忽作昏迷。或中風中惡。失音不語。或魂魄飛揚觸事喪志。或寒熱交作。乍見神鬼。此是心虛不寧。痰迷心竅之症。不拘大人小兒。牛黃皆可治之。但牛黃爲治心之藥。必酌佐使得宜而後可。故得丹砂而有寧鎮之功。得參苓而有補養之妙。得菖蒲山藥而有開達心孔之能。得棗仁遠志而有和平臟腑之理。得歸地而有涼血之功。得金鉢而有安神之美。凡諸心疾皆牛

黃所宜也。如小兒病傷乳傷食作瀉，或脾胃虛寒者，亦非所宜也。

○集方治大人方正小兒正痰熱失音，或中風中熱，中氣小兒心

熱生驚急，驚搐搦諸證，用牛黃一錢，另研細，配膽星、天

竺黃各三錢，白朮、天麻各三錢，俱研細，薑汁爲丸，如黃

豆大。日上大人服二丸，薑湯化下。小兒服一丸，燈心湯化下。

○治小兒驚癇百病，用牛黃一錢，膽星、鈎藤、天竺黃、茯

神各三錢，丹砂一錢，真珠犀角琥珀各半錢，五分，俱設

法研細，加冰片五分，薑汁打神麪糊爲丸，如葵豆大。

藏兒一丸，大兒五丸，爲率，俱用薑湯調服。○治楊梅結

毒，用牛黃半錢，鍾乳石火燒，丹砂各五錢，真珠微炒，二

王氏方

錢共研極細末。每服五分。生茯苓湯下。○治痘瘡黑陷。
角升黃。生鼈舟砂。共研細末。紫草泡湯調服。并搽
痘瘡。治一切臍脹。用牛黃一錢。蟾酥一錢。俱用酒潤
化。生半夏一錢。研細末。巴豆肉去油。取霜一分。草麻子
油。去油。取霜。五錢。冰片。五分。共研極細。和勻。調入牛黃。
蟾酥。拌勻。用艇舶。五分。個共搗勻。爲丸。如粟米大。每早
服。生四丸。放舌上。取津唾嚥下。

阿膠味甘微苦氣平無毒氣味俱薄浮而升陽中陰也入手少陰足少陰厥陰經。

別錄曰阿膠出東平郡東阿縣有官舍禁之鄭氏水經註云其井大如輪深六七丈歲常煮膠以貢天府其井乃濟水所注取井水煮膠用搅濁水卽清性下趨質清且重煮法必取烏驥皮或烏牛皮洗刮淨去毛急流水 中浸七日入大鍋內漬增阿井水煮三日夜則皮化濾清再煮稠時移盆中乃成冬月易乾其色深綠且明亮輕燥而脆味甘而淡乃佳亦須陳久方堪入藥古方取烏牛皮浸洗淨亦可煎膠凡造阿膠自十月至二月間用烏驥皮或牽牛水牛皮爲上修治凡用須用小麥麴拌炒成珠或以蛤粉拌炒成珠或以酒釀化或以滾湯釀化各從其製便也但貴烏驥皮者取烏色屬水以制熱則生風之義虞氏曰或云濟水所注蓋濟爲楚隱則伏流顯則湧出與阿木質之清重甘之下趨似不相符細考其所從來矣驥力在膚膚膚前也顧力在膚色專者黑捕等

○阿膠養心養肺滋木養肝平火養心潤土養

○脾培養五藏陰分不足之藥也李秋江曰此得水氣之
陰其補精之質得甘平之味故陳氏本草主衄血吐血
咯血唾血漏血便血腸風糞血崩中下血經漏脫血淋
溼不止或胎動不安血虛腹痛或兩目昏眩血虛頭旋
或虛火喘促咳嗽血痰而成肺痿肺癰或熱傷營絡下
利純紅而腹痛不止惟此藥補血益陰調榮養液故能
療婦上諸證也然其氣味雖居和平而性質粘膩如胃
弱嘔吐有寒痰畱飲者脾寒飲食不消運者又當忌之
盧子繇先生曰緣水性之下趨故治內損脫血崩淋血痢
上逆之血也協皮革之外衛故治內損脫血崩淋血痢

形之六極以及四肢經隧或潤或汚爲癥爲病如胎孕
不固之下墜等證咸需用之。獲効實無量也。

○集友治肺損嘔血用真阿膠三錢滾湯泡化麥門冬五

錢煎湯調和服。○治肝虛腸痛目昏筋脈痠弱用真阿
膠三錢歲蕤一兩白芍藥五錢敗鱉板七錢水煎服。

○治腎虛腰脊痠軟遺精盜汗用真阿膠三錢人參一錢
北五味七分枸杞子麥門冬各五錢懷熟地四錢水煎
服。○治心虛火盛煩渴不寐用真阿膠三錢懷生地五
錢人參棗仁麥門冬各二錢北五味七分蓮子四錢水
煎服。○治脾虛血燥大便秘結用真阿膠三錢懷生地
麥門冬肉蓯蓉各五錢知母四錢水煎服。○治吐血衄

血略血唾血用真阿膠三錢生蒲黃懷生地各五錢黃
芩三錢燈心五十根水煎服○治溺中血用真阿膠三
錢茜草懷生地白芍藥地骨皮各二錢五分車前子一
錢水煎服○治糞前糞後便血或腸風瀉血用真阿膠
三錢蒼朮米泔浸炒赤石脂炮薑灰各五錢北五味子
一錢水煎服○治婦人崩中下血或經漏脫血淋瀝不
止用真阿膠四兩川續斷牡丹皮丹參當歸身懷生地
各三兩白朮二兩熬膏煉蜜收每早午晚各服五錢大
參湯調服○治血虛腹痛或胎動不止用真阿膠三錢
當歸四錢白芍藥懷熟地各五錢砂仁穀丹參白朮黃
芩各二錢川芎一錢水煎服○治血虛頭旋兩目昏眩

用真阿膠二兩蛤粉拌炒成珠。天麻當歸白朮黃芩密蒙花各二兩五錢。川芎牡皮各一兩。俱用酒拌炒研爲末。煉蜜丸梧子大。每服三錢。臨睡菊花湯送下。○治虛火喘促。咳嗽血痰。將成肺痿結癆。用真阿膠三錢。桑白皮。懷生地。川貝母。紫苑。白朮。百合。廣陳皮。薏苡仁半。膝茯苓各二錢。水煎服。○治熱傷營絡。下痢純紅。腹痛不止。用真阿膠三錢。白芍藥。川黃連。懷生地。各二錢。甘草炮薑灰各一錢。茯苓一錢。五分水煎服。○治妊娠下血。或痢血。或瘧疾。或久咳嗽。或衄血。吐血。用真阿膠三錢。黃芩一錢。五分。茯苓。甘草各一錢。水煎服。○治小兒驚風後。瞳人不正者。以真阿膠。人參。各二錢。水煎服。

治虛勞咳怯之人。患痢疾腹痛下赤白者。用真阿膠二錢。白芍藥三錢。甘草。白芩。桑皮各一錢。桔梗五分。水煎服。積毒甚者。加川黃連八分。黃芩一錢。腹痛下重不行者。加枳殼一錢。父煉大黃八分。○治虛勞咳怯之人。下純血痢。用真阿膠三錢。懷生地五錢。白芍藥四錢。白茯苓二錢。當歸身一錢。川黃連八分。水煎服。○治吐血先吐痰而後吐血者。是積熱也。用阿膠。生地。白芍。桑皮。黃芩。天麥二冬。紫苑。玄參。知母。各二錢。甘草七分。水煎服。○治吐血。先吐血而後吐痰者。是陰虛也。用阿膠。黃柏。生熟二地。天麥二冬。白芍藥。知母。黃芩。沙參。山藥。玉竹。各二錢。甘草七分。水煎服。

黃明膠味甘氣平無毒可升可降入手陽明太陰經

李氏曰黃明膠卽牛皮膠也乃牛皮煮化遠去渣骨炭
結者其色黃明今工作木器中用以代漆甚堅人藥功用
與阿膠彷彿阿膠古方亦用牛皮煎練但水係阿井所汲耳

○牛皮膠止諸般失血之藥也梁心如曰其性粘膩其味

甘澀入服食藥中固氣欬脫大有神功故普濟諸方用
治吐血衄血崩淋痢血於久患不愈之疾與阿膠彷彿
通用但其性味平補宜於虛熱者也如散癰腫調臘止
痛護膜生肌則黃明膠又邁於阿膠一籌也善是業者

當留意於斯焉

○集方治吐血衄血咯血唾血嘔血崩血淋血痢疾下血
諸證用牛皮膠一兩剪碎麥麩拌炒成珠研細末配黑

蒲黃、黑薑炭各五錢

俱研極細末。每服三錢。溫米湯調。

下。

○治癰疽未成已成

外

君林義

未成已成

用牛皮膠一兩。酒溶化。厚敷毒

上未成卽消。已成卽出膿。膿後再敷。卽長肉生肌。每日

再用一兩酒溶化。毒在上。食後服。在下。食前服。

獸部 豺獸類

虎骨味甘辛，微熱，無毒。可升可降。入手少陰，足厥陰經。

蘇氏曰：虎在北東西四方皆生。深山密谷者多有之。爲山獸之長也。狀如猫而大如牛。色有黃白黑或有斑駁雜花諸色。其聲吼如雷。其牙如鉗。其爪如鉤。其鬚健而有尖。其舌大而如掌。生倒刺。頭龜鼻龜。夜視一日放光。一日看物。從風而行。百獸震恐。易易卦。通鑑云：立秋虎始臘。仲冬虎始交。又云：月暉時虎交。又云：虎孕七月而生。不再交。又云：虎擊物。蹠月旬上下而噉其首尾。其持物三躍不中。則捨之。食荆則醉。聞羊角烟則走。吞蠅鼠則死。見獵子。鄒虞渠搜。則僵而伏。見水牛則闊。而力有怯。有健者。又有海魚變虎。老人變虎。虎變老人之異。

○虎骨去骨節風毒之藥也。蔡心吾曰：虎乃西方之獸。毛蟲之長也。屬金而氣最猛。性最有力。語云：風從虎者。風也。虎金也。木受金制。鳥得木從。故虎嘯而風生。自然之道也。故甄氏本草治一切風病。筋骨攀急。屈伸不便。走注疼痛。及心風。

驚癇癲疾等證。然虎之一身氣力皆出前足。強悍皆賴於脰。故入藥以脰骨爲勝。而楊士行言總而論之。虎骨驅風偏體是可通用。今析而分之。凡辟邪惡治驚癇癲疾。及頭風等病。當用頭骨。治腰背諸風。當用脊骨。治手足諸風。腳膝無力。當用脰骨。各從其類也。雖稱治風之劑。倘屬血虛。不能養筋。而生風者。氣虛不能攝涎。而生風者。又當君以參、耆、歸、朮、芍、地、草。同劑方獲全効。

○集丸治一切風癱瘓。腰脚無力。筋骨拘掣。癱弱不能步履。用虎骨四兩。白芍藥。懷生地。刺蒺藜。川草薢。枸杞子。乾荷梗。根油松節。黃柏。蒼朮。白朮。秦艽。當歸。牛膝。木瓜。茜草。各二兩。乳香。沒藥。各一兩。研末。酒三十盞。浸蒸。毋早晚。隨量飲。○治中邪惡鬼疰。及小兒驚癇。大人癲疾。用虎骨磨汁半盞。牛黃三分。天竺黃。麝星。各一兩。五錢。俱研極細末。每晚服五分。用虎骨汁調服。○治休息肩疾。經歲不愈。取虎骨四兩。酒炙。研末。每服三錢。米湯服。

象牙味甘氣寒無毒。

李氏曰象出交廣齊南及西域諸國野象多至成羣若人皆畜以負重骨長出入乘之有灰白二色形體龐曠而目聰陋大者身長丈餘高八九尺肉倍數牛目縱若豕四足如柱無指而有爪甲行則先移左足臥則以臂着地其頭不能俯其頸不能回其耳大如扇其鼻大如管下垂至地鼻端甚深可以開合中有小肉爪能拾針芥食物飲水皆鼻卷入口一身之力皆在於鼻故傷之則死耳後有穴皮肉甚薄刺之亦死口內有食齒兩吻出兩牙夾鼻雄者長六七尺雌者僅尺餘耳其膽墮四肢春在前左足夏在前右足秋在後左足冬在後右足壯牝相交則在水中以胸相貼與諸獸不同許氏曰三年一乳五歲始產六十形體骨力方足其性能火識堵芻豆甘蔗茶酒而畏烟火獅子巴蛇殺野象多設機窪以陷之或埋象糞於路以貫其足捕生象則以雌象爲媒而誘獲之飼而狎之久則漸解人言使象奴牧之鼻肉炙食更美被主人捕得爭食也其皮可作甲觀鼓逕持切條可貯器物西戎最重其牙用飾床椅中國貴之取爲朝笏每脫牙自埋藏之南番諸國人潛以白木作牙易取焉又真臘風土記云用象牙殺敵者上

此自死者次之施於

出也多矣。諸下矣。

方

本草

卷之二十一

十一

十一

十一

十一

○象牙治驚癇迷惑之藥也陳赤葵曰象性勇猛而牙善

脫雖屬獸類而機巧神悟靈慧若人如開寶方以牙屑

主驚癇驚搐一切精物利魅者以神悟應之也又敷諸

鐵器及雜物入肉者以腕而治皮肉間有形之物也又

外科方以牙屑治惡瘍拔毒生肌去漏管亦同此義

○集方治驚癇驚搐或風癇迷惑人事昏曠及一切精物

邪魅作祟者用象牙屑一兩天竺黃雄黃丹砂各五錢。

俱爲極細末牛黃七分麝香五分總研匀每服七分白

湯調服○治金銀銅鐵錫一切器物及雜樣物入肉者。

擗以象牙末雞子清調敷立止○治通腸漏病能去管者。

以象牙屑一兩，枯礬、金頭蠶蟄各五錢，俱爲極細末。費蠟二兩熔化，入香油二錢，待涼，即入前藥末攪勻，捻成丸，梧子大。每早晚各食前服三錢，白湯下。○治小便不通，脹急者，以象牙屑五錢，生煎服。○治小便過多，用象牙屑五錢燒灰，米飲調服。

○象膽味苦，微甘，氣寒，無毒。其膽陰乾皮上光膩，有青竹紋，不與他膽同類也。治痘明目之

藥也。蘇水門曰：諸膽皆附肝生。獨象膽隨四時運行，足可稱神物矣。第苦寒明肅之性，故曰華子言：明目去翳障，與熊膽同功。淨下疳瘡爛，一切熱毒諸證。

○集方治目疾翳障，用象膽分許，水潤化點兩目，皆內。○治下疳瘡，破爛不收，用象膽一塊，泡湯頻洗，腐穢自去。

肌肉生長矣。

○象皮味甘氣溫無毒暖肌肉治金瘡不合之藥也葛風寰曰象皮堅實以斧刃刺之半日卽合因象體氣壯力弘皮堅肉暖今內府有象皮膏治一切刀斧傷瘡及經年瘡毒氣冷血凝潰水不收者以膏藥一塊入瘡口內外以厚軟油綿紙攤膏貼之數日卽收完誠良法也。

犀角味苦酸鹹氣寒無毒氣薄味厚陽中之陰降也入手太陰少陰足厥陰少陰經。

陶隱居曰犀出海南山谷及武陵虔州寧州南海西番南番諸處海南者爲上黔蜀者次之花紋通透者爲上花紋隱泥者次之李氏曰犀有山犀水犀兕犀三種山犀水犀金有二角又有毛犀似之山犀居山林間人多得之水犀出入水也最爲難得海南者爲上狀似牛猪首大腹卑脚三蹄前脚直而無膝依木爲息木倒則仆不易起也舌有刺喜啖竹木棘及毒物飲濁水不欲自見其影皮孔三毛如豕有一角二角三角者一在頂上一在額上一在鼻上鼻上者小而不隆頂額者每歲一落自埋山中土入作木角潛易之再三不離其處若直取之以後退落必藏地處矣二角者鼻角長而額角短一角者有鼻無額有額無鼻前者胡帽尾額前者兕犀也兕犀北犀也毛色青皮堅可以爲鏡又有毛犀二角所謂卷犀也又有水犀出入水也最爲難得皮中有珠黑山犀無之按異物志云東海水中有犀牛樂聞絲竹之音彼人動樂則出而聽之因而采之然犀角優劣觀犀紋粗通塞以爲差筆紋如魚子形者謂之粟紋紋中有眼者謂之栗眼黑中有黃花者謂之正透黃中有

黑花者謂之倒透花中復有花者謂之重透金名通犀乃上品也又紋有倒插者一半以下通紋有正插者一半以上通紋有斷股插者中段不通亦名通犀又角上有白縫直上至端夜露不濡謂之通天犀漢書有駁雞尾置未銅雞驚駭不敢啄置屋上鳥鳥不敢集犀角有最大者一枝重七斤人勑名隨羅犀云是犧犀額中之角又有花紋多如撒豆斑色夜視有光者日夜明犀通神分木禽獸見之皆驚乃絕品也又有理文盤結作百物形者亦琴上品又有花如撒豆斑色者次之烏犀純黑無花紋者爲下兕角理紋細膩斑白分明不混者不可入藥如奴犀辟犀病水犀孽子犀無潤犀俱不可用惟取肌殼折裂光潤者剝屑以薄紙裹置懷中蒸燥乘熱搗之應手成粉故歸田錄云翡翠銷金人氣粉犀此亦異也○陳氏曰又山海經有白犀問元遺事交趾所貢有辟寒犀色如金冬月暖氣襲人自孔六帖有辟暑犀色如玉夏月藏室中涼氣襲人又嶺表錄有辟座犀爲臂梳頭用塵不近身又杜陽編有齋忿犀佩之令人鬪去忿怒皆希世之奇珍也又淮南子云犀角置狐火則狐不敢出入如溫橘過武昌于渚磯上多水怪齷燃犀角照之而水怪見形則犀角之精靈辟邪可見矣○黃犀紋大牝犀紋細又川犀南犀紋細烏犀有紋顯露

必須紋頭顯著黃黑分明。
有雨脚潤滑者爲第。

○犀角涼心鎮肝散瘀血解熱毒之藥也。吳養元曰：犀食

量味

百草之毒及衆木之棘，故能解毒。角乃犀之精靈所聚，胃爲水穀之海。飲食藥物必先受之。風邪熱毒必先干之。故前古解一切百毒蟲證，瘴熱邪惡，或傷寒瘟疫，邪熱譫妄，或中風痰熱，迷惑失音，或熱極失血，吐衄上逆，或驚癇熱疾，拘攣轉加，或痘瘡熱極稠密，黑陷，或瘡疹熱極，內悶不清，或肝熱生翳，目睛蒙混不明等證，犀角金皆治之。此乃安心定志，涼血清神之劑。凡入蟲毒之鄉，飲食以此攬之，有毒卽生白沫，無毒則否。如痘瘡氣虛，乾枯黑陷者，傷寒陽虛陰極發躁者，陰寒在內，浮陽

在外發熱口渴。上衝咽喉。面赤煩囁。喜飲涼物。食下良久卽復吐出。六脉數細。躁亂不寐者。此屬陰寒之證。犀角慎勿投也。

○集方解

方正宗

宗

一切百毒蠱證。用上好真烏犀角。白湯磨汁半

碗。調真紫金錠二錢。服立解。

言上

○治瘡熱中惡。用真烏犀角磨汁半盞和燈心湯調服。

○治傷寒、瘟疫語邪譫妄。

因於熱者。用真烏犀角磨汁半盞。和白虎湯調服。

言上

○治

中風痰熱迷惑失音。用真烏犀角磨汁半盞。用防風、天

麻、白朮、羌活當歸、半夏各二錢。細辛八分。人參一錢五

分。甘草七分。水煎半碗。和服。

言上

○治熱極失血。吐衄不止。

用真烏犀角磨汁半盞。童便半盞。用生地黃、牡丹皮、川

黃連炮薑炭白芍藥各二錢。甘草七分。水煎和服。○治小兒驚癇熱疾搐搦不定。用真烏犀角磨汁半盞。用天竺黃鈎藤膽星茯苓各二錢半。黃五釐共研極細。每服五分。犀角汁調服。○治痘瘡熱極。稠密黑陷。用真烏犀角磨汁半盞。用升麻乾葛紫草黃桔梗甘草各一錢。水煎汁半盞。和服。○治瘍瘻熱極。內悶不出。用真烏犀角磨汁半盞。用西河柳五錢。牛蒡子二錢。桔梗玄參薄荷升麻甘草各一錢。水煎汁。和服。○治肝腎虛熱。目瘡不明。用真烏犀角見金匱磨汁十餘匙。每晚食後燈心湯化服。

續補方。治痘瘡血熱。初見點紅。點壯熱口渴。煩躁狂語。用真烏犀角磨汁十餘匙。用生地黃紅花子麥門冬紫

菖半
茅牛蒡子黃芩各二錢甘草一錢水煎半盞和服○治
小兒恍惚驚慄痰涎壅塞或嚼舌仰目用真烏犀角磨
汁半餘匙調抱龍丸服○治中風不語或中惡氣絕一

切神魂恍惚癲狂擾亂用真烏犀角磨汁一盞用天竺

黃丹砂雄黃天南星各一兩玳瑁屑琥珀各一兩二錢

人參八錢焙俱研極細末再加冰片麝香牛黃各一錢

五分金箔銀箔各三十張再總研勻以犀角汁和入再

加煉白蜜少許和丸如梧子大人服五丸或七丸小

兒服三丸或一丸俱用生薑泡湯化下○治中毒藥箭

以真烏犀角末抹瘡中立愈○治下痢鮮血用真烏犀

角一兩鎊屑地榆懷生地各一兩共爲末煉蜜丸梧子

大每服三錢白湯下

羚羊角。味淡氣寒。無毒。氣薄味厚。陽中之陰降也。入手太陰少陰足厥陰經。

別錄曰。羚羊出石城及華陰山谷。今出建平宜都諸蠻山中。及西域形似羊毛青而綈。夜宿獨棲。嘗掛角樹上。兩角者多一角者更佳。其角白亮如玉長七八寸。纏如人指。有節。蹙蹙圓繞。而深銳緊小。有掛痕者爲真。其節亦密。內有天生木胎者。別有山羊山馬角。頗相似。不可不審。但山羊山馬角大而節疏。僅一邊有節也。修治以鐵鉢剉細。更研萬轉搗篩。細入藥用。免刮人腸。

○羚羊角安神志。治驚惕却鬼魅不祥之藥也。白尚之曰。羚羊獸之至靈。而筋骨之精。所注在角。其質至堅。其性至神。又角內有木胎。乃厥陰風木之劑焉。故前人治肝虛內熱。驚惕夢魘。爲狂怒。爲搐搦。如大人中風。小兒驚風。是所必需者也。又如傷寒時氣。溫風注毒。留在肌膚。

邪熱厥氣

出。本草。

卷之三

十一

邪熱厥氣伏在骨髓。或心驚狂動。煩亂不寧。或譫語無倫。人情顛倒。悉屬厥陰風木爲害。投此卽定。有以類相感之効也。已上諸病。若心肝二經虛而有熱者。宜之。倘虛而無熱者。勿用也。

本草發明白。羊火畜也。而羚羊則屬木。故其角入厥陰肝經。同氣相求也。肝主木。開竅于目。其發病爲障翳。目暗而羚羊角能清之。肝主風。在合爲筋。其發病爲小兒驚癇。婦人子癇。大人中風搖搦。及筋脉牽急。歷節掣痛。而羚羊角能舒之。死者。肝之神也。其發病爲驚駭恐怖。狂越僻謬。胞寐卒死。而羚羊角能安之。血者。肝之藏也。其發病爲產後血氣瘀滯。下注。毒痢積熱。瘡疹餘毒。而

羚羊角能散之。又相火寄于肝膽。在氣爲怒病。則煩懣。氣逆。食噎不通。及時氣寒熱傷寒。伏熱熱蒸肌骨。時愈時發。而羚羊角能降之。羚之性靈。而筋骨之精在角。故又能辟邪惡而解諸毒。碎金剛石。而燒烟走蛇虺也。農皇本經。與陶氏別錄。兩著其功。而近俗罕能發揚。惜哉。

李時珍撰

方脉正統

○集方治肝虛內熱時驚惕。時夢魘。時狂怒。時搐搦。或大人中風。小兒驚風。及五癲癲癇。人事狐惑。一切心神失靈。肝神昏亂諸證。用真羚羊角。白湯磨汁半盞。以半夏當歸。防風。天麻。茯苓。棗仁。人參。白朮。鈎藤。各三錢。水煎一鍾。和角汁服。立安。小兒減十分之七。○治傷寒時氣。

寒熱伏熱。汗吐下後餘熱不退。或心驚狂動。煩亂不寧。

或譖語無倫。人情顛倒。脈仍數急。遷延不愈。用鴟夷角。

磨汁半盞。以甘草、燈心各一錢煎湯和服。○治肝經風

熱內盛。目昏翳障。用羚羊角磨汁半盞。以草決明、黑山

梔、薄荷葉、防風、黃芩、葳蕤、甘菊花各二錢煎湯和服。

治血虛筋脉攣急。或歷節掣痛。用羚羊角磨汁半盞。以

金銀花一兩五錢煎湯一碗和服。○治產後血氣不和。

或失血過多。形神憔悴。或淋瀝不淨。時止時來。用羚羊

角磨汁半盞。以當歸三錢、懷熟地二錢、白芍藥一錢五

分、川芎一錢煎湯和服。○治時行毒痢。下血不止。用羚

羊角磨汁半盞。以阿膠二錢、白芍藥一錢五分、川黃連

一錢甘草五分煎湯和服○治痘瘡後餘毒未清隨處
癟腫用羚羊角磨汁半盞以黃耆金銀花各二兩煎湯
和服○治肝熱復爲鬱怒所觸漸致食噎不通用羚羊
角磨汁半盞和白湯半盞薑汁三茶匙徐徐服

山羊血味甘氣溫性熱無毒通行藏府一十五經絡三百

六十五關節諸處

陶氏曰山羊出羌夷及西夏廣西其形似大角其性
善鬪雖力極不死李氏曰有二種一種角大盤環體重
百觔者一種體稍小而角細者出則二三羣行發力如
箭莫可色視捕者張夾網羅之取血凝成色如乾漆
○山羊血行血活血養暖週身血脉之靈藥也倪朱謨曰
此獸中最猛健而力善攫者其血大能活血散血如人
苦受杖打血凝垂死趺撲內損血脈垂絕或內傷藏府

筋骨膜絡外損血脉破裂皮肉色變氣將絕者用一二
釐溫酒調化灌入喉中卽生市者多以他物僞充售受
者惟以見効方真戊午闡中一儒懷挾受杖氣絕服二
釐鄰家一僕主命掃屋失慎墮地跌傷頭腦血出不止
先用古石灰敷蓋傷處血雖止人事昏暈一日不甦服
一釐一鄉人偶觸營卒衆卒攢打垂死服二釐俱用溫
酒調化下嚥卽活此三人朱自試用見効特紀以聞
其肉大補虛勞脫力內傷筋骨痺弱又治男子精寒髓
乏陽事不振或婦人積年淋帶腰脊痿軟血冷不育等
證用酒煮爛和椒鹽作脯食甚佳

鹿茸味甘氣溫無毒氣薄味厚陰中之陽也入手足少陰

厥陰經。

抱朴子曰深山多鹿每一牡遊北十數里春羸瘦入夏惟食菖蒲鈎肥當解角之晚其茸甚瑞獵人得之以索繫住取落茸然後斃鹿血氣未散蓋其力盡在白中故色如紫苑其實難得取時不可太嫩又不可太老惟長二三寸形如馬鞍分岐茸端似瑪瑙紅玉色破之瓶如朽木者最善今殺鹿後取茸連頂骨者勿稍不及

○鹿茸峻補元陽充實血氣生長精髓健利筋骨溫養腎

命之藥也茹日江曰按沈存中筆談云凡含血之物肉易長筋次之骨最難長故人自胚胎以至成人三十年骨髓方堅惟麋鹿之角自生至堅無兩月之久犬者至二十餘劖計一日夜卽生數兩凡骨之生無速於此此所以能補骨血堅陽道益精髓也况頭爲諸陽之會鹿

之精血。上鍾于茸角。豈可與凡物比哉。故治療虛損之功。邁于參耆附桂之上。較之鹿之角膠。而茸更十倍之力也。如龍潭藥性云。治男子勞傷不足。真陽頓損。手足寒麻。脚膝無力。或遺精夢泄。小便不禁。治婦人久崩漏下。真陰日虧。頭眩欲仆。腰脊冷疼。或夢與鬼交。白帶時下。治小兒痘瘡虛白。漿水不充。或大便泄瀉。寒戰咬牙。治老人脾腎衰寒。命門無火。或飲食減常。大便溏滑。諸證。

○集方治已上諸證。與鹿角膠配用。諸藥同。惟小兒痘瘡漿清不濃。作瀉而寒戰者。用鹿茸配入。吳攻散。○治老人脾腎衰寒。食少。大便泄者。用鹿茸配入。桂附八味丸。

麝臍香味辛氣溫性散無毒氣味俱厚可升可降入足太

陰手少陰經

蘇氏曰麝多生陝西河東益州秦州文州等處諸蠻夷中尤多新州光州或時亦有陶氏曰形似麝而小色黑褐者食者葉夏月多吸蛇蟲至冬香滿人春滿甚便自剔去香生陰莖前皮內別有膜袋盛之性多忌所遺真者就一處難遠逐必還走之不敢遺迹他所應爲人獲人反以是求得必斃羣而獲之釋獸云虎豹之文來田獵麝之香來射則其皮與臍之爲累也凡用須翦真爲生香心結雖不易得但取香臍中之當門子然之如血線搗之如桃花瓣膜甚者始真縫膜囊完固尤多爲造分三種第一名生香卽自剔出之遺香也但不易得香聚之處草木不生帶過園林爪葉皆敗是其驗也其次名臍香卽捕得殺取者其三名心結香卽麝遇山獸捕逐驚畏失心狂走墜死者人得之破心見血流出脾上作乾血塊者不堪入藥又一種名水麝香臍中惟水卽取其藏錫器中不走香氣滴一點于斗水中用酒衣服經年香氣不散此物性推憂鬱爲人所急逐卽投崖舉火剔裂其香就爇而死猶拱四足保其臍也酉陽雜俎云唐天寶初虞人獻沾麝養於園中以針刺其臍

琪香。捻以雄黃末。則臍復合。其香倍于肉臍。又有靈貓似麝。生南海山谷。如獵身亦曰鈴狸。其臍香亦可充麝。其毛可以爲筆。寫書不絕。修治向日開之。配他藥。微研用。

李時珍

○麝臍香。開經絡。通諸竅。透肌骨。辟蛇蠱。諸毒之藥也。方益明曰。此藥辛香走竅。能自內達外。凡毫肌肉骨節諸竅。凡有風寒火氣痰涎。血食鬱滯不通者。以此立開。

○農皇本經。主辟惡氣。化蟲積。散蠱毒。殺鬼精物。

血瘕
鬼胎

之如聖惠方。入瘍科用。徹膿血去死肌。入眼科用。退翳。

瘡散瘀血。入婦人科用。下難產。落胎孕。入嬰兒科用。定

瘧。活風痰。入方脉科用。通關竅。活痰結。解瓜果食積。

止癩。活塊癥瘕。諸證。蓋取此辛香芳烈。借其氣以達于

中。推陳而致新也。方氏曰。雖爲清氣散邪之藥。如中

惡刃氣。心腹暴病。痛脹急痰。閉氣滯諸疾。一時暫以
開通。開通之後。不可復用。凡氣血兩虛。似中風證。小兒
慢脾驚風。與夫陰陽虛竭。發熱吐血。氣虛眩暉。氣虛痰
結。血虛痿痺。血虛目翳。心虛驚悸。肝虛癇症。胎前氣厥。
產後血暉。中虛痞脹諸證。或癰疽膿血已泄。新肉將長
之時。麝香藥勿輕用。

○集方見諸證條下此不復贅。

臘臍臍味鹹氣熱無毒可升可降陽也。入足太陰少陰經

又名海狗腎。

寇氏曰臘臍臍出安國新羅女直及三佛齊國今遼西營州及登萊州時或有之毛色似狐似鹿頭似狗足似犬尾似魚而長入藥用外腎而曰臍者連臍取之也試其臍於凍月衝風處置水盆中浸之不冰者爲真或置原犬頭上其犬忽驚跳狂走者亦真也雷氏曰修治取外腎并臍切碎酒浸一日烘乾搗細用。

○臘臍臍興陽補腎壯精助房力之藥也陳赤葵曰性熟壯陽如腎氣衰弱精寒髓冷陽絕革痿者服此立振而起如藏器方治積年心腹冷痛或宿血結塊或癥瘕寒痛或四肢冷麻無力或腰脊肩背久疼等證蓋因陽氣不充血液衰少故諸邪逕症爲病也此藥壯助元陽暖血生精溫潤筋骨近世滋補丸料多用此者精不足補

之以味也。他如陰虛火熾，陽強不倒，或陽事易舉，及骨蒸夜熱，勞嗽吐痰等候，咸在所忌。

刺蝟皮味苦氣平無毒。

蜀國經曰：刺生吳楚山谷。狀如豬，大者如獐。小者如兔。毛刺膝縮，形又如夾房。其頭齶似鼠。刺毛似豪豬。

刺尾長，色白或灰色，乾刺皮并

刺作刷治癰瘍絕佳。土人謂畜養者。

華子

○刺蝟皮止五痔下血陰蝕瘻瘍。血汁涓涓之藥也。朱正泉曰：此物伸屈不時。千毛萬刺。力通百絡。攻透孔竅。故

前古消五痔蝕瘻延生。以此酒浸火炙乾研末。空心白湯調服三錢七個全愈。

鹿角膠味甘氣溫無毒氣薄味厚陰中之陽入手足少陰。

厥陰經。

繆氏曰鹿者仙獸。自能樂性遊處山林從事雲泉志無
忌性警防善接其類與麋為友。有角無齒者牡曰麈。無
角有齒者牝曰鹿。無齒謂無齦齒若下齦則牝牡咸有
與禽鳥之與角無齒似同而實異也。李氏曰隨處山中
有之馬身羊尾頭側而長脚高而行速牝小子牡毛雜
黃白壯大于牝毛間黃白故云牡質斑斑點點如
星星也行則同集食則相呼性喜食麌能別良草不食
諸毒分背而食食時則羣長四顧相望俟衆飽長乃食
羣小互爲廻視矣。集居必環角外向臥眠必口接尾間
性善決聚故其跡遍而不凡詩云町疃鹿場言町畦村
疃無人焉故鹿以爲場也。物類考云鹿好羣而相比陽
類也。故夏至感陰氣而角解從陽退之象爾麋則冬至
感陽氣而角解從陰退之象爾麋孕子于仲春而生于
秋。鹿孕子于仲秋而生于春其子曰麇子生得雨或冰
乃行地耳。格物論云鹿千年者色蒼又五百年者色白
再五百年者色玄玄之又玄仙化登乎天矣埤雅云鹿
六十年懷孕于角下者角有斑痕紫色如點行或有涎
出于口不復能急走也故曰鹿戴玉而角夷魚懷珠而

解紫故有諸中未有不形諸外矣。陶隱居云：今荆楚之地其鹿大絕似馬當解角時望之無辨。土人謂之馬鹿以是知趙高指鹿爲馬蓋因似以作誕爾。角解之後始生之角曰茸色如赤紫者爲上。修製鹿角膠法用鹿角五十角寸截用淨水浸二日入大鍋內煎以水二大擔。煎干去其七滌出汁其渣而用淨水煎如前法其角酥裹卽成鹿角霜矣。其汁合初次汁入砂鍋內慢火煎熬以桃柳枝不住手攪以凝爲度。卽成膠矣。用淨銅杓兜入盆內冷凝以刀割成塊每早晚

用好酒一鍾頓膠三錢茶化服。

李時珍

於

○鹿角膠壯元陽補血氣生精髓暖筋骨之藥也陳月坡

曰鹿陽獸也臥則口接尾間以通督脈性喜食龜以交任脈夏至其角自解者有陽足陰生之象然一身皮肉

筋骨腸胃皆能養人之陽而角又陽質陰精之銳氣在腸胃虛者補之損者培之絕者續之怯者強之寒者暖是焉故前古主傷中勞絕腰痛羸瘦補血氣精髓筋骨腸胃虛者補之損者培之絕者續之怯者強之寒者暖

之此係血屬之精較之草木無情更增一籌之力矣。如薛氏方主婦人血冷阻閉子嗣不育或血潰崩流淋瀝作痛又安胎元止半產陽虛多汗陰虛遺精血寒脫血諸證能峻補腎命通調營衛功無匹矣。如腸胃有鬱火者陽有餘陰不足者諸病因血熱者俱忌用之。苟非精寒血冷陽衰命門無火者不可槩用。

○集方治五

方原

家

藏陽虛氣弱精血內損傷中勞絕頭眩目暉耳鳴耳聾四肢無力腰脊痠疼脚膝痿軟或小便下墜欲遺或精水不時溢出或久痢久瘧遷延不休或久漏癰瘍膿水不淨或男子陽絕無子婦人陰痿不育或經歲久崩淋瀝不斷或頻年白帶下脫不溼或胃腸久虛

澹瀉不實。凡一切虛寒、痼冷、久頑不愈之證。並皆治之。
用鹿角膠一觔剪碎。麥麯拌炒。人參八兩。白朮、當歸、白芍藥、枸杞子、石斛、杜仲、茯苓、山藥補骨脂、女貞實、覆盆子、黃耆各四兩。肉桂、木香、砂仁各二兩。俱酒拌炒。共研爲極細末。煉蜜丸。彈子大。每服二丸。早晚米湯化下。
一方用鹿角膠二錢。龜板膠一錢。酒一盞。浸過夜。清晨隔湯溶化。日日服之。悅顏色。養精神。補腎命。於老人爲延年養生。却病良藥。

○生鹿角味鹹氣溫。有毒。散熱行血。消腫辟毒之藥也。以刀刮屑。

白酒調服二三錢。
○鹿角霜味清氣溫。無毒。收濕止癆去婦人白帶之良方。每早晚白湯調服二錢。

鱗部 龍類

龍骨味甘澀氣平無毒可升可降陽中之陰入手足少陰厥陰經。

別錄曰：龍骨出晉地。雷氏曰：太山、劍州、滄州、太原山脈水岸土穴中。此龍化解脫之處，卽有也。其骨細，其文廣者雌，其骨粗者雄。五色具者，上白黃色者，中純黑者，下矣。蘇氏曰：各隨五色，合五藏，如五芝、五石脂、五石英之入五藏也。爾雅翼云：鱗蟲三百六十而龍爲之長。說文云：龍春分登天，秋分潛淵。陰中之陽，故夏月龍舉而雲興。物之至靈者也。盧氏曰：按淮南子云：羽毛鱗介皆祖于龍。羽嘉生飛龍，飛龍生鳳，鳳而後鷩鶠，庶鳥凡羽族者，以次生焉。毛犧生應龍，應龍生建馬，而後賦麟。庶獸凡毛族者，以次生焉。鱗介生蛟龍，蛟龍生璽鯢，而後建和庶魚。凡鱗族者，以次生焉。介譚生先龍，先龍生玄龜，而後靈龜。庶龜凡介族者，以次生焉。埤雅云：龍鱗八十有一，具九九之數。陽之極也，故爲長而司水。璽三十有六，具六六之數。陰之極也，故變陽而化龍。又云：龍卵生而思抱，雄鳴上風，雌鳴下風，因風而化，廣雅云：有鱗曰蛟龍，有翼曰應龍，有角曰虬龍，無角曰螭龍。

朱升天曰蟠龍玉符稱世俗畫龍之狀馬首蛇尾又有三停九似之說謂自首至腰停至腰腰至尾皆相停也。九似者角似鹿頭似駝眼似鬼項似蛇腹似蜃鱗似魚爪似虎掌似虎耳似牛也或曰龍無耳故以角聽又云驩龍之睛見千里縹芥論衡云龍頭上有骨如博山形名曰尺木無尺木者不能昇天其爲性粗猛而畏鐵燬王及空青而嗜羨故食蒸人不可渡海又曰蛟龍畏棟葉及五色線故漢以來祭廟原者以五色線合棟葉畏燬米縛而擲之則蛟龍不敢吞故古之豢龍氏御龍氏以知其好惡而節制之將雨則吟其聲如戛銅盤其涎能發衆香其體氣能成雲因雲以藏其身故其形不能全見今江湖間時有見其爪與尾者歲時云五月後龍乃分方各有區域故兩敵之間雨暘異焉又多暴雨說者曰細潤者夫雨猛驟者露雨也又龍火與人火相反得濕卽焰遇水而燔以火逐之則息而滅矣服食者所當知其如此江氏曰如修治龍骨用火煨三時辰研萬匝極細用

○龍骨安心神定魂魄斂虛汗收脫泄之藥也周士和曰龍東方之神也稟陽氣以生爲神靈之物也其骨雖係

脫化之餘其體堅重其質粘着其性收澀故本草主精物鬼魅爲患小兒驚癇大人顛狂神志浮越不寧之證以此神以寧之堅重以鎮之所以能安心神定魂魄而驚癇狂亂之證宜其專用之也如日華方言能斂虛汗止泄鴻滲水氣者總因收攝飲澀澀以固脫之義如別錄文治遺精淋濁崩漏帶下滑脫諸病者亦歸斂閉精氣收攝神藏之極功也已上諸病倘因血熱積滯爲患者決當通利疎泄不可便用此正濶之劑恐積滯瘀血未清反能爲害也惟久病虛脫者不在所忌

○集玄治大人小兒一切癲狂驚癇風癇神志不寧等疾用龍骨一兩火煅研極細末犀角丹砂琥珀天竺黃各

五錢俱研極細。桑鈞藤懷生地。茯苓各一兩五錢。俱微
炒燥爲極細末。蘇合香三錢。牛黃二錢。俱用酒溶化共
末。殊總和。急處用膽星八錢。研細末。竹瀝一碗。打糊爲
丸。如梧子大。大人服十九丸。小兒服三三丸。俱用生薑湯
調灌。○治心虛盜汗。用龍骨五錢。火煅。茯苓一兩。人參
一錢。蓮肉。桑兩。俱微炒共研爲末。麥門冬去心四兩。酒
煮。搗爛成膏爲丸。梧子大。每早晚各服三錢。白湯下。○
治泄瀉不止。用龍骨。赤石脂。各等分。俱火煅研極細末。
飯丸梧子大。大人用二錢。小兒用五分。用木瓜湯下。亦
治休息久痢。○治遺精。淋濁。血崩漏下。白帶。久痢。諸疾。
用龍骨。桑兩。火煅當歸身酒炒。酸棗仁各二兩。炒白朮。

三兩土拌炒。車前子一兩五錢炒共爲末。煉蜜丸梧子大。每早服四錢。烏梅湯下。○治小兒臍濕生瘡。兩膀濕爛成瘡。用龍骨研極細末。摻之卽愈。

倪朱謨曰。龍骨一品。本經謂死龍之骨。陶氏謂蛻化之骨。後之臆度者。辯訟紛紛。總之未嘗親見。此韓退之所以有獲麟解也。竊以龍爲神物。或飛或潛。或大或小。靈奇變化。莫可色相。是必無死理。卽曰肉血生養。終須戶蛻然外有爪牙。鱗鬚鬚角之形。內有筋骨。府藏。吞吐之具。其骨雖經蛻化。寧非血肉所滌。自當有髓。有節。有竅。有絡。一經火燒。酒淬。中之津氣油液。當必滲逗。雖積久土化。性或常存。今火燒。則頑硬無烟。口嚼。則冷淡無味。

搗研則堅銳不虧。輒萬匝方細。纔以齒叩之。仍礮礮如石之屑。號曰龍骨。朱甚惑之間。嘗過晉蜀山谷。爲訪所產龍骨之處。岩石稜峭。谿徑墳衍。則有礮礮如龍鱗。隱心如爪牙者。隨地掘之。盡皆龍骨。豈真龍之骨。有若此多。而又皆盡積於梁益諸山也。要皆石燕。石蟹之倫。氣成形。石化而非龍化耳。朱實有見於此。不敢不爲辨。

補集方。治兩耳濕爛。久不收斂。用龍骨、赤石脂、俱火海螺蛸水煮過。各三錢。共研細末。先用綿紙條拭乾。水後吹入藥。

蛤蚧味鹹氣平。有小毒可升可降。入手太陰厥陰經。

馬氏曰：蛤蚧生嶺南山谷及城墻或大樹間形如守宮而大首如鼴鼠背綠色有細鱗如蠶子身長四五寸尾與身等雌雄相隨且暮則鳴近日廣南及陝西亦有之其狀稍小滋力一般土人采之開腹去腸肚以竹條張開暴乾用雷氏曰：雄爲蛤雌爲蚧雄者皮粗口大身小尾粗雌者皮細口尖身大尾小其聲最大多居木叢間顧氏曰：廣西橫州甚多雄雌上下相呼累日情洽乃交兩相抱負自墮于地人往捕之亦不知覺以手分劈雖死不開雷氏曰：去頭足鱗搘雌雄並用以酒炙研細用試法口含少許亦吐而不喘方真

○蛤蚧清肺熱補肺虛定咳嗽止傳尸之藥也陸平林曰此物居不獨處出必雙行鳴則壯化相呼得陰陽相合之義故海藥本草療肺痿肺癰咯血咳血欬逆息急而喘者投此立定按十刺云補可去弱人參羊肉之屬蛤蚧補肺定喘生津退熱功益人參益陰血扶羸弱止傳

尸功同羊肉。凡氣液衰陰血竭者宜加用之。

○集方治一切陰虛勞損。

楊氏山東集

吐血咳嗽及骨蒸夜熱盜汗諸

證用蛤蚧一對酒潤火上炎黃研細末配諸補劑丸散

膏丹隨方加入。

鱗、鯉又名穿味鹹氣寒。有毒可升可降。陽中之陰。入足太

陰厥陰經。

蘇氏曰：駁鯽生湖廣嶺南及余商均房諸州深山大谷中。陶氏曰：形似鼴而小。背似鯽而闊。首似鼠而大。胸腹有毛。口中無齒。尖喙長舌。四足五爪。尾與身等。府藏俱全。其胃獨厚。穴陵而居。以羹爲食。日中張口。若死狀。漏氣最醒。開甲誘蟻入其中。卽閉甲入水。蟻浮水而吸而啖之。肉裏美好。閩人用此供饌。李氏曰：修治或炒或燒。或炙以酥。以醋以酒。以童便或煎以油。或炒以上各隨方製。取川尾甲三枚。力服勝地。

○穿山甲去風痰推膿毒直穿經絡。入達營分之藥也。程君安曰：此物穿山而居。寓水而食。出陰入陽能攻穿經絡。入達病所。故時珍方主癰疽發背。疔毒乳癰。便毒。腸肚內發陰疽。一切瘍毒等證。形勢已成。潰膿未出。用山甲之穿利透膿解毒。定痛消腫。則無內陷之患矣。日華

方。又能散諸風。一身筋骨肢節不利。或頸項強痛。或臂脇攻痛。或足膝痺痛。或久瘧寒熱無時。延月不愈。或婦人乳汁不行。乳房腫痛。蓋此藥性能攻達走竄。故能如是取効也。凡病非關風濕。風毒及癰瘍之證。不必用。

○集方治一切癰疽發背疔毒。乳癰便癰。腸肚內發癰疽。

未潰可散。已潰排膿出毒。用十五味活命飲。用穿山甲

爲君。方見水部乳香集方內。○治諸風。

已下三方見方脉正

不利。或頸項強痛。或臂脇攻痛。或足膝痺痛。用穿山甲

二兩。炒焦。當歸。川芎。俱酒炒。乳香。沒藥。焙。川烏。童便。製

黃柏。鹽水炒。薑黃。炒。各一兩。斬蛇一條。焙燥。俱爲極細。

末。每早晚各服三錢。白湯下。○治久瘧不愈。用穿山甲、

牛膝當歸、川芎各六錢。白朮土拌炒。何首烏和黑豆煮。各一兩二錢。肉桂三錢。分作三劑服。○治婦人乳汁不行。乳房腫痛者。用穿山甲六錢。王不留行九錢。乳香沒藥。麻黃。天花粉各四錢。五分蒲公英一兩二錢。分作三劑服。

守宮。又名味鹹氣寒。有小毒。

李氏曰。蝎虎生人家牆壁間。狀如蛇臂。以黑色爲常。頭細鱗四足。長者五六寸。亦不聞聲。人南方有十二時。更時變易蟲。卽蝎虎之狀。但黃褐青赤四色。十二時中。更時變易。亦狀守宮。○李氏曰。生山石間。曰石龍子。卽蜥蜴。但有四足。頭扁。尾長。形細。大者長尺。小者五六七八寸。有編鱗。金碧色。生草澤間者。曰蛇臂。頭大。尾短。形粗。其色青黃。亦有白底者。又能入水。與魚合。不入藥用。生崖壁間者。曰守宮。卽蝎虎也。似蛇臂而細小。身褐色。尾亦規。三種並不蟄人。又按夷堅志云。劉子見山中有蜥蜴百枚。長二三尺。色金碧光輝如睛。吐電如彈丸者數十枚。行未數里。俄頃風雷雨雹大作。今道家取此祈雨。蓋取此議。珍

○守宮治風癇急驚。瘰疬流注之藥也。沈孔庭曰。守宮善食蝎蠍。蠍蟲乃治風要藥。故李氏方言。守宮所治風癇。驚癇諸病。亦猶蜈蝎之性能透經絡化痰涎也。且入血分。如瘻瘍流注。及疳積食痞。亦屬血分凝結於經絡。故

延生不已。用此攻散凝結之血。所以兼主之也。倘病屬血虛氣弱。非關風痰風毒所感者。宜斟酌用之。

○集方治小兒臍風。李中野方。用蝎虎後半截焙爲末。用人乳汁調

勻。入雄雞矢一分。搽舌根及牙關。再以熱手輕摩病兒

胸腹背間。取汗出甚妙。

奇效良方

奇效良方

奇效良方

奇效良方

奇效良方

奇效良方

奇效良方

○治久年風癩。用蝎虎一箇。剪去四足及尾。研爛。珍珠二分。和豆腐煮。研細。麝香。冰片

各三分。共研勻。大人服三分。小兒服一分。用薄荷湯下。

○治療癩。初起用蝎虎一枚。焙燥研末。每日食後服五

釐。酒調下。或乘活搗爛。敷癩漸消。

○治男婦大小人血

積成塊。用蝎虎一枚。研爛。白乾麪五錢。和丸。梧子大。每

早服三錢。白湯下。當下血塊。不過二三次即愈。

○治

兒癆積羸瘦。面黃腹大及無辜痘毒用蝎虎一個微炙乾。蝎牛殼三個。靛青二錢。雄黃一錢俱研細麝香冰片各一分再總研勻米醋打神麴糊爲丸。黍米大每服五

丸白湯化下早晚各一服○治歷節風痛不可忍用蝎

虎三個白頭蚯蚓五條俱生研爛蟻螬蟲三個紙包煨

研爛草烏三個酒煮一時辰木香五錢乳香出汗沒藥

出汗各二錢麝香冰片各五分俱研細再總研勻酒打

麥麯作糊爲丸梧子大每早晚各服二十丸漸効○治

大麻風成癩用蝎虎五個生搗爛成膏生半夏二兩研

細末和入蝎虎膏內丸梧子大每服五十九濃煎菉豆

湯吞下○治癰瘡大痛用蝎虎焙乾研末脂麻油調傅

卽止痛。

○蜥蜴

味鹹氣寒
有小毒。

利水道通小便下瘀血破胎娠之藥也。

翟秉元曰按寇李二氏方云蜥蜴能聚雹致雨故能治

癃淋利水道下瘀血其功長于利水故千金方治血瘀

癥結血閉水腫尸疰留飲諸疾。

治翻胃方用蝎虎二五個取公雞一隻籠生餓二日只

與水吃或頻灌水數十匙換淨肚腸將蝎虎切碎與雞

食之取糞焙乾爲末每服一錢燒酒送下○又方只用

活蝎虎一個燒酒半壺入蝎虎浸七日將酒頓熱去蝎

虎只飲酒卽愈治蠱亦同

萬病回春

蛇味鹹甘氣平無毒可升可降陰中陽也。道行十二經

周氏曰蛇生東南諸郡在禽爲翼火在卦爲巽風在神爲玄武在物爲毒蟲有水火草木十五種赤黃赤白黑金翠斑花諸色毒蟲也而有無毒者鱗蟲也而有生毛者卵生也而有胎產者腹行也而有四足者又有冠者角者翼者飛者獸首者人面者兩首者兩身者岐尾者鈞尾者端尾者施形者杵形者又有青蛇白蛇蒼虺文腹白頸黑中赤口黃口之類其出以春其蟄以冬其舌雙其耳聾其聽以目其蟠向于其毒在涎其珠在口其行也紓其食也吞皮數解蛻性曉方藥蛇交蛇則雄入雌腹蛇交雄則生蜃及蠶蛇以蟲蠶爲雌又與鱗蟲通氣入水交石斑魚入山與孔雀匹竹化蛇蛇化維蔓憐蛇憐風水蛇化鱗廢蛇化龍廢蛇聽孕煥蛇目劄巴蛇吞象婢蛇吞鹿玄蛇吞小塵蛇吞鼠而有齧蛇之風狼蛇吞蛇而有制蛇之川父蛇令弱止而有食蛇之貌龜蛇同氣而有呻蛇之龜玄蛇食鱗婢蛇食蛇煥步則蛇山鳴鶯則蛇結鵠鵠鷺鷺皆島之食蛇者也虎猿鳩鷹去皆獸之食蛇者也蛇所食之蟲則蛇鼠燕雀蠅蠅鳥蠅所食之草則芹茄石楠菜蔓蛇粟所憎之物則薑荷蕪蕪蛇芮草鵝糞所畏之藥則雄黃雌黃殺羊角蜈蚣誤觸葛菜則日不見物灸以桑薪則足可立出蛇

蟠人足淋以熱茶或沃以熱湯則自解。蛇入人竅。灸以艾炷。或辣以椒末。則自出。內解蛇毒之藥。則雄黃。貝母。大蒜。薤白。蒼耳。外治蛇頭之藥。則大青。鶴鱉。苦苣。莖菜。射干。薑黃。乾薑。白芷。黑豆。菜黃。荆葉。蛇舍草。大黃。蜀黃。蔡真。雞糞。是也。雷氏曰。凡用蛇脫。只用白色如銀者。於人家牆壁屋角間。晝退出。如青黃薯色者勿用。修治刀

切寸斷。以醋浸

一宿火候乾用。

○蛇脫散風毒解癰瘍。

味酸性寒。歸經。肺脾。

○蛇脫散風毒解癰瘍。開喉痺之藥也。李秋江曰。蛇蛻。統一身之衣從口退出。龍則脫骨。蛇則脫皮也。蛇以腹行而速。其性上竄。蛇則自裏出表。退脫而解。專治風動爲病。故前古主小兒百二十種風邪。驚癇癲疾。四肢瘻瘍。搖頭弄舌。寒熱等證。皆屬厥陰肝經爲病也。如日華方治大人喉痺不通。小兒重舌重齶。及目翳。脹障。丁腫。癰毒。亦取此屬風性竄攻而善散。蛻而善解之義。須五月

蛇之爲佳

下

王方

外方

麻正

守

○集方治遍身一切風癬。臤癩。風核。風毒。蟲麻。風痛。風癰。

○風癩。風痰。流癥。諸疾。用蛇脫一條。去頭尾。酒浸炙黃爲

末。每早晚各服五分。和雄黃末二分。白湯調服。○治一

切疔腫癰。毒垂危者。用蛇脫二條。去頭尾。製法俱研末。

一條作五次用。真糞清一盞。調服一條。用新鮮人糞。調

塗患處。四圍毒勢漸減。○治喉痺。腫痛。用蛇蛻一條。去

頭尾。製法同前。每服一錢。白湯調服。小兒減半。又一方用蛇

蛻。揉燒烟。竹筒吸入喉間。卽通。○治小兒百種風邪。驚

癇。癲疾。或四肢瘙瘛。或搖頭弄舌。寒熱往來。諸證。用蛇

蛻一條。去頭尾。製法同前。研細末。配雄黃。膽星。天竺黃。黃連。

蛇蛻

同前

製法

研細末。配雄黃。膽星。天竺黃。黃連。

甘草各三錢。俱研極細末。總和勻。每遇此患。服三分。薄荷湯調服。○治小兒木舌。李子方重舌重齶。用蛇蛻製法同前研細末。米醋調敷。○治小兒口緊。不能開合飲食。不出聲者。卽死。用蛇蛻燒灰傅之。○治目中卒生翳膜。或小兒痘後自翳。用蛇蛻一條去頭尾。李子方研細末。以大羊肝二個夾藥縛定。米泔水煮熟羊肝食之得効。○治橫生逆產。胞衣不下。用蛇蛻一條去頭尾。李子方研細末。酒調服三錢。卽順。

少陰足厥陰。陽明經。
蛇膽味苦。微甘。氣寒。有小毒。氣薄味厚。陰也。降也。入手少陰足厥陰。陽明經。

劉氏曰。蛇蛇長十丈。小者四五丈。行而紓徐。冉冉然。非若諸蛇行疾而速也。其蛇身有斑文。如故絲纈。春夏生

深山中。伺鹿吞之。蛇遂藏瘞。待鹿消盡。乃復肥壯。或言
一年食一鹿。鹿消盡。乃遠樹。則腹中之骨穿鱗而出。又
云王氏曰。廣州山中多蚺蛇。大者長十餘丈。因遇一丈
食麋鹿。及山獸。骨角鱗皮而出。土人采葛藤。寨入穴中。
蛇喫之。卽奔乃命多人發穴取之。肉極腴美。皮可冒鼓。
及飾刀劍樂器。甚精巧。又虞衡志云。黎兵捕蚺蛇。清照
挿花。蛇卽注視不動。或以婦人衣投之。則蟠而不起。乃
退而斷其首。待其勝柳力竭。乃斬。昇歸食之。可供官餚。
陶氏蚺蛇膽。如鴨子大。狹長通黑。皮膜極薄。舐之味若
微甜。剔取粟許。着清火中。浮游水上。回旋行走者爲真。
如徑沉而不走者。諸色屬也。然亦勿多着。多着亦沉也。
市人以猪牛虎膽。爲充。入水亦走散。但遲而不速耳。其
膽上旬在頭。中旬
在心。下旬在尾。

○蚺蛇膽退目翳定癇疾治小兒疳積成勞之藥也。魏景
山曰。蚺蛇稟火土之氣。其膽爲甲乙風木之化。故別錄
久困黃瘠成勞。或跌撲杖打。血悶垂死。或癘風瘡癩。血

潰肉崩關節傾敗腐穢臭爛等證用蚺蛇膽二三分入口卽安功能化瘀活血護心止痛受杖人服此能使惡血流通不上薄心真救急之神丹也。

下五分出頭指管外

○集方治目赤目腫目障目昏不明用蚺蛇膽半豆許水化點些須于兩目皆內立效○治五癇痰厥昏迷卒仆用蚺蛇膽十分酉化灌服立甦每日服一次連服五次癇疾永不復發○治小兒疳積成勞用蚺蛇膽一錢每日一分胡黃連一分煎湯調服服十次全愈○治杖打血脹垂危并跌撲極重者用蚺蛇膽五錢血竭乳香沒藥狗頭骨麤蟲天靈蓋麻皮灰象牙末各一錢五分共爲末煉蜜丸彈子大每九重三錢臨杖服一丸護心

上痛○治癰風癰瘡皮肉崩潰者用蚺蛇膽每日服二分，白湯化服。一月全安。○治痔瘡腫痛用蚺蛇膽研爛，菜油調塗立効。

○蚺蛇肉

味甘氣溫有小毒四月勿食

治癰風殺三蟲梓癰瘡之藥也

我醫林

本草發明曰按柳子厚云嶺南永州山野多產蚺蛇黑質白章觸草木盡死無禦之者其肉脂之爲餌可已大風病毒攀躡瘻漏諸瘻去死肌殺三蟲又泉州盧元欽患病風遍身惡癩惟鼻未損五月五日取蚺蛇肉煮食三五日頓可百日平復又集簡方治諸風癰瘡筋繩

一痛癰痙麻木及皮肉癰瘡膿瘍惡瘻用蚺蛇肉炙十兩皂角刺三兩好酒十五盞浸蒸一日每日隨量飲

白花蛇味甘鹹氣溫有毒。

李氏曰：白花蛇原出南地及蜀郡諸山中。今惟斬蛇擅名，卽斬地亦不多得。市肆與官司所取，多以江南興國州者爲充之。斬產者龍頭虎口黑質白花。脇有二十四方勝。腹有十點念珠子。口有四長牙。尾上有一小指甲。腸形如連珠，脊中有兩腎。寇氏曰：諸蛇鼻向下。此獨鼻向上。惟烏蛇性善，不噬物。白花者，噬人有大毒。元稹云：白花蛇，毒人毛髮豎立。飲于溪澗則泥沙盡沸。惟斬州白花蛇性善，故入藥取斬產者爲貴。又按蛇戶云：白花蛇喜暗，不柄花葉。嘗從藤上獲之。先撒沙土一把，則蟠曲不動。以鐵父鉗定其首，以繩繫其首，懸掛劍刀，破其腹，去腸肚，下置水一盃，則反尾自滌其腹，蓋護劍耳。乃以竹條臨其蟠曲，簽定盤索。火上焙乾，爾雅翼云：諸蛇死目皆閉。惟斬州者目開如生。舒斬兩界者，則一閉此理之不可曉者。又云：欲識真僞，懸蛇于甕上，或盆上，注酒數斗，酒卽再舟而動。如沸者，若磁石之燭鐵碗，迫之捨芥然。否則形色雖備，亦無力也。土人僅飲此酒，亦獲大益。得此真斬蛇，入藥用功，力大倍。雷氏曰：修治去首尾春秋酒浸三宿，夏一宿，冬五宿，炭火焙蒸去骨取肉。

○白花蛇去風濕利筋骨掃瘡疥活血脉之藥也。計日聞曰此蛇生于深山土穴陰霾之處。稟幽暗毒厲之氣。經言風爲百病走長。善行而數變。蛇性走竄亦善行而數變。又喜食石楠枝葉。所以能透骨搜風散瘡消疥舒筋利脉爲風濕要藥。取其內通藏府外徹皮膚無處不到也。而開竅方治中風濕痺不仁半身不遂筋脉拘急口面喎斜。骨節痠麻脚弱不能久立及癘毒延疰眉髮脫落。一切疥癬瘡癩風癬痛癰諸疾。取蛇一條和鵝膏耆朮牛膝木瓜人參各二兩俱焙燥好酒十盞浸蒸早晚各隨量飲之。一切風疾癬瘡瘍疥諸疾一月奏平。此李瀕湖集簡方之良劑也。如風痺係陰虛血少內熱而發。

非關風濕者。非所宜也。

附隨病加減法。如頭風頭痛。本方加天麻。甘菊。如耳聾目昏。加蒼耳子。蜜蒙花。如舌本木強。語言蹇澁。加製半夏。膽南星。如臂脣痠疼。不能舉握。加薑黃。海桐皮。如遍身牽引疼痛。不能展動。加虎骨。歲蕤。已上加用諸藥俱各用一兩。

烏稍蛇味甘氣平。有小毒。

蘇氏曰。烏稍蛇生蘄州。黃州。山中。今商洛諸山。亦有之。
背有三棱。色黑如漆。頭圓尾尖。身黑而光。眼有赤色。至枯死。眼窩不陷。性善。不噬生龕。亦毒蟲之難得者。多在蘆叢中。吸風及花氣。嘗于蘆枝上得之。小者身細長。能穿銅錢百餘文。活時稱之。重七八錢。至一兩者。爲上。重十兩至一鎰者。爲中。如粗大重一二觔者。爲下矣。市肆僞作者。用他蛇熏黑。亦能亂真。但眼不光。而又陷耳。雷氏曰。凡用此蛇。須辨雌雄。今鄆州烏蛇。頭上有逆毛一寸。一路頭尾相對。腹下有白帶子一條。長一寸者。雄也。捕得去頭。及皮鱗帶子剝斷。苦酒浸一宿。漉出。微火炙。

乾用只重一兩者彼處珍重得此多畱進貢。

○烏梢蛇主治功用與白花蛇同茲不贅。

本草彙言卷之十八

終